

四庫全書

子部

欽定四庫全書

冊府元龜卷九百九十九 宋王欽若等撰

外臣部

入覲 請求 互市

入覲

春秋之義王者無外所以域四海而宅天下也若夫被髮左衽之君旃裘胡貉之長忿鷙怙力荒忽無常正朔所不加政教所不及乃能慕恩信被威德叩關而請命

款塞而願朝扶服奔走至于闕下稽顙樹領拜于王庭
斯蓋中國有道太平之嘉運也是以王會著篇知周室
之隆正會為圖覩唐祚之盛雖或迎送煩於傳置賜與
糜於府帑比夫勞師遠攻其費相萬又烏足稱道哉

漢武帝時夜郎侯始倚南越南越已滅還誅反者

謂軍還而

誅且蘭夜郎遂入朝帝以為夜郎王

滇王者其衆萬人南越破後及漢誅且蘭使使者王然
于以越破及誅南夷兵威風

風請
曰諷

諭滇王入朝滇王其

旁東北勞深靡莫皆同姓相杖未肯聽

杖猶倚也相依倚為援不聽滇

王入朝也

勞莫數侵犯使者元封二年天子發巴蜀兵擊滅

勞深靡莫以兵臨滇滇舉國降請置吏入朝

宣帝時烏孫公主遣女來至京師學鼓瑟漢遣侍郎樂奉送主女過龜茲龜茲前遣人至烏孫求公主女未還會女過龜茲龜茲王留不遣復使使報公主主許之後公主上書願令女比宗室入朝而龜茲王絳賓亦愛其夫人上書言得尚漢外孫為昆弟願與公主女俱入朝

元康元年遂來朝賀王及夫人皆賜印綬夫人號稱公主賜以車騎旗鼓歌吹數十人綺繡雜繒琦珍凡數千

萬

琦音奇

留且一年厚贈送之後數來朝賀絳賓死其子

丞德自謂漢外孫成哀帝時往來尤數漢遇之亦甚親

密

匈奴呼韓邪單于當宣帝時匈奴衰亂呼韓邪之敗也左伊秩訾王為呼韓邪計勸令稱臣入朝事漢從漢求助如此匈奴乃定呼韓邪議問諸大臣皆曰不可匈奴

之俗本上氣力而下服役

以服役於人為下

以馬上戰鬪為國

故有威名於百蠻戰死壯士所有也

言人皆有此事耳

今兄弟

爭國不在兄則在弟雖死猶有威名子孫常長諸國

為諸

國之長帥也

漢雖強猶不能兼并匈奴奈何亂先古之制臣

事於漢卑辱先單于

言忝辱之更令卑下也

為諸國所笑雖如是

而安何以復長百蠻左伊秩訾曰不然強弱有時今漢

方盛烏孫城郭諸國皆為臣妾

謂西域諸國為城郭而居也

自且鞮

侯單于以來匈奴日削不能取復

且音子子切復音扶日切

雖屈強

於此未嘗一日安也

屈音其勿切

今事漢則安存不事則危

亡計何以過此諸大人相難久之呼韓邪從其計引衆

南近塞

甘露二年呼韓邪單于款五原塞

款叩也

願朝三年正月

會正旦之朝賀也

漢遣車騎都尉韓昌迎發過所七郡郡二千

騎為陳道上單于正月朝天子於甘泉宮漢寵以殊禮位

在諸侯王上贊謁稱藩臣而不名賜以璽綬冠帶衣裳

安車駟馬黃金錦綉繒絮使有司道單于先行就邸長

安宿長平帝自甘泉宿池陽宮帝登長平阪詔單于毋
謁其左右當戶之羣臣皆得列觀蠻夷君長王侯數萬
咸迎於渭橋下夾道而陳帝登渭橋咸稱萬歲單于就
邸置酒建章宮饗賜單于觀以珍寶詔有司議咸曰聖
王之制施德行禮先京師而後諸夏先諸夏而後夷狄
詩云率禮不越遂視既發相士烈烈海外有截陛下聖
德充塞天地光被四表匈奴單于鄉風慕義舉國同心
奉琛朝貢自古未之有也單于非正朔所加王者所容

也禮儀宜如諸侯王稱臣昧死再拜次諸侯王下詔曰
蓋聞五帝三王禮所不及以政今匈奴單于稱北
藩臣朝正月朔朕之不逮德不能宏覆其以客禮待之
位在諸侯王上二月單于罷歸遣長樂衛尉高昌侯忠
車騎都尉昌騎都尉虎將萬六千騎送單于單于居幕
南保光祿城詔北邊賑穀食郵支單于遠遁匈奴遂定
黃龍元年匈奴呼韓邪單于來朝禮賜如初加衣百一
十襲錦帛九千疋絮八千斤二月單于歸國以有屯兵

故不復發騎為送元帝時郅支單于既誅呼韓邪單于
且喜且懼上書言曰常願謁見天子誠以郅支在西方
恐其與烏孫俱來擊臣以故未得至漢今郅支伏誅願
入朝見竟寧元年春正月匈奴呼韓邪單于來朝詔曰
匈奴郅支單于背叛禮義既伏其辜呼韓邪單于不忘
恩德鄉慕禮義

鄉讀
曰嚮

復修朝賀之禮願保塞傳之無窮

邊陲長無兵革之事其改元為竟寧

成帝河平三年匈奴復桀梃若鞮單于上書願朝河平

四年正月遂朝加賜錦綉繒帛二萬疋絮二萬餘斤它
如竟寧時

元延元年匈奴搜諧若鞮單于為朝二年發行

欲會二
年歲首

之朝禮故豫
發其國而行

未入塞病死

哀帝建平四年匈奴烏珠留若鞮單于復遣使上書願

朝五年時哀帝被疾或言匈奴從上游來厭人

游猶流
也河水

從西北來故曰上游也又曰上游亦總
謂地形耳不必係于水也厭音一涉切

自黃龍竟寧時

單于朝中國輒有大故

大故謂國
之大喪

帝繇是難之以問公

卿亦以為虛費府帑

帑它莽切
又音奴

可且勿許單于使辭去

未發黃門郎揚雄上書諫天子寤焉召還匈奴使者更
報單于書而許之賜繒帛五十疋黃金十斤單于未發
會病復遣使願朝明年故事單于朝從名王以下及從
者二百餘人單于又上書言蒙天子神靈人民盛壯願
從五百人入朝以明天子盛德帝皆許之

元壽二年單于來朝帝以太歲厭勝所在

厭音一
涉切

舍之

上林苑葡萄宮

宿舍止

告之以加敬於單于

云以敬於單
于故令止上

林

單于知之加賜衣三百七十襲錦繡繒帛三萬疋絮
三萬斤它如河平時既罷遣中郎將韓況送單于出塞
元壽二年正月烏孫大昆彌伊秩靡與單于並入朝

後漢光武建武二十年韓人廉斯人蘓馬謨等詣樂浪
貢獻光武封蘇馬謨為漢庶斯邑君使屬樂浪郡四時
朝謁

二十五年烏桓大人率眾內屬詣闕朝貢是年大人來

朝

大人謂
渠帥也

二十七年封哀牢夷賢栗等為夷長自是歲歲朝貢

三十年鮮卑大人於仇賁滿頭等率種人詣闕朝賀

安帝永初中鮮卑大人燕荔陽詣闕朝賀鄧太后賜燕荔陽王印綬赤車參駕

順帝永和元年春正月扶餘王來朝京師帝作黃門鼓吹角抵戲以遣之

獻帝建安二十一年匈奴南單于呼厨泉將其名王來朝待以客禮遂留內侍使右賢王去卑撫其國而匈奴

折節過於漢舊是時曹公破三郡烏丸還至易水代郡
烏丸行單于普富盧上郡烏丸行單于那樓將其名王
來賀

魏齊王正始六年歲不耐侯舉邑降八年詣闕朝貢詔
更拜不耐歲王居處雜在民間四時詣郡朝謁一郡有
軍征賦調供給役使遇之如民

晉武帝咸寧中馬韓王來朝

太康二年辰韓王復來朝貢七年又來

後魏太武太平真君三年五月行幸陰山北六月仇池
楊難當朝於行宮先是起殿於陰山北殿成而難當至
因曰廣德焉

正平元年伊吾王唐和詣闕太武優寵之待以上客和
兄契子元達性果毅有父風與叔父和歸闕俱為上客
拜安西將軍晉昌公

二年焉耆前部王伊稚朝京師賜以妻妾奴婢田宅牛
羊拜上將軍王如故

隋煬帝大業三年六月啓民可汗來朝帝遣鴻臚卿史祥迎接之

五年六月高昌王麴伯雅來朝

七年十二月西面突厥處羅多利可汗來朝上大悅接以殊禮

十年突厥啓民可汗率其子咄言立來朝於東都

唐太宗貞觀二年東謝蠻主元深入朝冠烏熊皮冠若今之旄頭以金銀絡額身被毛帔常皮行滕而着履中

書侍郎顏師古奏言昔周武王之時天下太平遠國歸
歎周史乃集其事為王會篇今萬國來朝至如此輩章
服實可圖寫今請撰為王會圖從之

四年九月伊吾城主來朝

十二月高昌王麴文泰來朝禮之甚厚

十年十二月吐谷渾河源王來朝

十三年十二月吐谷渾主河源郡王慕容諾曷鉢來朝
以宗女為宏化郡主以妻之

二十二年二月以結骨部置堅昆都督府隸燕然都護以其侯利發失鉢屈阿棧為左屯衛大將軍堅昆都督初結骨未嘗通中國聞鐵勒等咸來內附即遣使頓頽稱臣并獻方物至是其君長遂自入朝見太宗於天成殿宴之謂羣臣曰往日渭橋斬獲三突厥自謂多功今致此人於席鬪更不以為怪可謂日用而不知邪結骨酣醉歡甚因謂曰臣既一心歸國願授國家官職執笏而還故授以此任并賚錦帛

二十三年正月制蕃王分為三蕃以次朝集

高宗以貞觀二十三年五月即位七月于闐王伏闐信
來朝

顯慶元年八月龜茲王白軻黎布失畢來朝

咸亨四年波斯卑路斯自來入朝

五年十二月于闐王伏闐雄率其子弟及首領七十餘
人來朝并獻方物

辛卯波斯王卑路斯來朝

則天垂拱三年正月于闐王伏閣雄來朝

天授三年女國王俄琰兒爾來朝

玄宗開元二年二月癸巳奚王李大輔等來朝上謂之曰卿等為朕外藩款誠夙著爰初州屬職貢相仍往緣寄任非才拙於綏撫因使卿等猜貳頗成阻絕而能不忘本翻然改圖覽所獻書具知至懇大輔將尚縣主失活又遣近親並自邊隅同臻雒邑朕今與卿等相見喜慰良深

五年奚王李大輔入朝封饒樂郡王

七年十一月契丹松漠郡王莎固與永樂公主來朝

十一年松漠郡王鬱于入朝仍請婚

十三年契丹王邵固來朝從封東嶽詔授左羽林大將軍改封廣化郡王

代宗大歷六年十一月文單國王來朝并獻馴象一十有一宰臣等上言曰臣聞春秋二百四十年不紀祥瑞而載異國之朝其在周書亦美西旅之獻蓋重其德化

及遠天下大同也伏惟竇應元聖文武皇帝陛下以至
敬事天地以至孝奉宗祀武功以定大難文德以懷遠
人故舊史未載之邦前王不賓之長聲教所隔言語莫
通悠颺南溟幾千萬里瞻望中國知有聖人踰海而來
歷年方至綿邈重阻奔波載馳黃金飾冠白璫充耳服
柔羣象牽致闕前低迴馴擾稽顙屈膝隨萬國而來庭
與百獸而率舞如知禮樂之節益盛羽儀之容有以彰
仁化元通醇源溥暢至和大順以兆昌期事軼於軒皇

跡超於漢代矣臣等謬塵樞近獲覩洪休伏請宣付史
官光昭簡冊手詔荅曰文單遠國自古未賓能瞻八律
之風來申重譯之貢君臣入覲嬪御偕朝越海踰山輸
琛獻象顧慚薄德有邁前王此皆宗社効靈上玄幽贊
卿等寅亮台鼎夔和神人翼致感通無遠不屆永言輔
弼慶賀良深所請付史官者依

請求

王者內阜黔首外撫四夷雖蒐狩訓兵體不殺於神武

而梯航獻款嘉來遠而施惠必接以恩信乃得其要領
其或告饑饉之灾迫和親之好故可示羈縻之義仲賜
與之恩至於借書籍請音樂或假壤土或希援兵蓋典
制之靡存在撫御而斯得俾夫桀驁以息奢僭不萌有
懷感之心無過望之意則可以稽魏絳和我之利賈誼
五餌之術徹三邊之烽警廣函夏之亭毒矣

漢武帝時單于遣使遺漢書云南有大漢北有強胡胡
者天之驕子也不為小禮以自煩今欲與漢閭

與閭同

大

關歲給遺我米酒萬石稷米五千斛雜繒萬疋則邊不相盜矣

元帝初即位呼韓邪單于復上書言民衆困乏詔雲中五原郡轉穀二萬斛以給焉郵支單于自以道遠恐漢擁呼韓邪遣使上書來求侍子

後漢光武建武二十六年北匈奴復遣使詣闕貢馬及裘更求和親并請音樂

晉元帝大興三年建平夷王向宏向璠等詣臺求拜除

尚書郎張亮議夷貊不可假以軍號元帝詔特以宏為折衝將軍璦平鄉侯並賜以朝服

宋文帝元嘉二十七年吐谷渾慕延遣使上表求牽車獻烏丸帽女國金酒器胡王金釧等物太祖賜以牽車南齊武帝永明六年宕昌王使求軍儀及雜伎書詔報曰知須軍儀等九種並非所愛但軍器種甚多致之未易內伎不堪涉遠秘閣圖書例不外出五經集註論語今特勅賜王各一部

扶南王姓僑

一作橋音驕

陳如名閣邪跋摩啓曰臣有奴名

鳩酬羅委臣逸走別在餘處構結凶逆遂破林邑仍自立為王永不恭從違恩負義叛主之奴天不容載伏尋林邑者昔為檀和所破久已歸化天威所被四海彌伏而今鳩酬羅守執奴凶自尊狼強且林邑扶南隣界相接親人是臣奴猶尚逆去朝廷遙遠豈復遵奉此國屬陛下故謹具上啓伏聞林邑頃年表獻間絕便欲永隔朝廷豈有師子坐而安大鼠伏願遣軍將伐凶逆臣

亦自効微誠助朝廷翦撲使邊海諸國一時歸伏陛下
若欲別立餘人為彼王者伏聽勅旨脫未欲灼然興兵
伐林邑者伏願特賜勅在所隨宜以少軍助臣乘天之
威殄滅小賊伐惡從善平蕩之日上表獻金五婆羅今
輕此使送臣丹誠表所陳啓不盡下情謹附那伽仙并
其伴口具啓聞伏願愍所啓

河東王拾寅子易度侯好星文嘗求星書朝議不給
芮為主求醫工等物武帝詔報曰知須醫及織成錦工

指南車漏刻並非所愛南方治疾與北土不同織成錦
工並女人不堪涉遠指南車漏刻此雖有其器工匠久
不復存不副為恨

梁武帝大同七年百濟王遣使請涅槃等經義毛詩博
士并工匠畫師等物並給之

後魏太武太平真君十一年車師王車夷落遣使瑒進
薛直上書曰臣亡父僻處塞外仰慕天子威德遣使奉獻
不空於歲天子降念賜遺甚厚及臣繼立亦不闕常貢天

子垂矜亦不異前世敢緣至恩輒陳私懇臣國自無諱
所攻擊經今八年人庶饑荒無以存活賊今攻臣甚急
臣不能自全遂捨國東奔三分免一即日已到焉耆東
界思歸天闕幸垂賑救於是下詔撫慰之開焉耆倉賑
給之

孝文延興二年八月丙辰百濟國遣使奉表請師伐高
麗

太和十七年九月乙亥鄧至王象舒彭遣子舊詣闕表

求以位授舊詔許之

宣武永平元年十月高昌國王麴嘉遣其兄子私署左衛將軍孝亮奉表來朝仍求內徙乞軍迎援

隋文帝開皇中突厥沙鉢略既為蕃附因請獵於常代之間許之仍遣人賜其酒食沙鉢略率部落再拜受賜唐高祖武德二年九月突厥遣使者莅殺曷薩那可汗於中書門下省初曷薩那與始畢王欽若等曰突厥始畢可汗也有隙至是聞在長安遣使請殺之高祖以為疑羣臣諫曰今

若不與則是存一人而讐一國也後必為患不得已乃從之

八年高麗遣人來學道佛法詔許之

太宗貞觀十七年林邑王遣使云為扶南所攻乞師救
援太宗曰山有猛獸藜藿為之不採爾為我隣國扶南
安敢侵逼此是爾懼自來將無事矣後有使至悉如太
宗言

高宗麟德二年正月丁卯吐蕃遣使來朝請與吐谷渾

復修和好并請赤水地以為牧野帝不許之

則天垂拱二年二月新羅王金政明遣使請禮記一部并新文章令所司寫吉凶要禮并於文館詞林採其詞涉規誡者勒成五十卷賜之

之
玄宗開元四年奚使乞於寺觀禮拜及向兩市貨易許

六年十一月丁未阿史特勒僕羅上書訴曰僕羅克吐火羅葉護部下管諸國王都督刺史總二百一十二人

謝颺國王統領兵馬二十萬衆罽賓國王統領兵馬二十萬衆骨吐國王石汗那國王解蕪國王石匿國王悒達國王護密國王護時健國王范延國王久越德建國王勃特山王各領五萬衆僕羅祖父已來並是上件諸國之王蕃望尊重僕羅兄般都泥利承嫡繼襲先蒙恩勅差使持節就本國冊立為王然火羅葉護積代以來於大唐忠赤朝貢不絕本國緣接近大食吐蕃東界又是西鎮僕羅兄每徵發部落下兵馬討論擊諸賊與漢

軍相知聲援應接在於邊境所以免有侵漁僕羅兄前
後屢蒙聖澤媿荷國恩遂發遣僕羅入朝侍衛玉階至
願獻忠殉命以為臣妾僕羅至此為不解漢法鴻臚寺
不委蕃望大小有不比類流例高下相懸即奏擬授官
竊見石國龜茲并余小國王子首領等入朝元無功效
並緣蕃望授三品將軍况僕羅身恃勤本蕃位望與親
王一種北類大小與諸國王子懸殊却授僕羅四品中
郎但在蕃王子弟娑羅門瞿曇金剛龜茲王子白孝順

等皆數改轉位至諸衛將軍准僕羅最是大蕃去神龍元年蒙恩勅授左領軍衛翊府中郎將至今經一十四年久被淪屈不蒙准例授職不勝苦屈之甚勅鴻臚卿准例定品秩勿令稱屈

七年二月安國王篤薩波提遣使上表論事曰臣篤薩波提言臣是從天主領普天下賢聖皇帝下百萬重草類奴在遠義手胡跪禮拜天恩威相如拜諸天自有安國已來臣種族相繼作王不絕并軍兵等並赤心奉國

從比年來被大食賊每年侵擾國土不寧伏乞天恩滋
澤救臣苦難仍請勅下突厥施令救臣等臣即統領本
國兵馬計會翻破大食伏乞天恩依臣所請今奉獻波
斯騾二佛菴繡毼一鬱金香三十斤生石蜜一百斤
臣今借紫訖伏乞天恩賜一員三品官又臣妻可敦奉
進柘必大毼毼二繡毼一上皇后如蒙天恩滋澤請
賜臣鞍轡器仗袍帶及賜臣妻可敦衣裳粧粉

其月戊辰俱密國王那羅延上表曰臣曾祖父叔兄弟

等舊來赤心向大國今大食來侵吐火羅及安國石國
拔汗那國並屬大食臣國內庫藏珍寶及部落百姓物
並被大食徵稅將去伏望天恩處分大食令免臣國徵
稅臣等即得久長守把大國西門伏乞炤臨臣之願也
其月庚午康國王烏勒伽遣使上表曰臣烏勒伽言臣
是從天主普天皇帝下百萬里馬蹄下草土類奴臣種
族及諸胡國舊來赤心向大國不曾反叛亦不侵損大
國為大國行裨益士從三十五年來每共大食賊鬪戰

每年大發兵馬不蒙天恩送兵救助經今六年被大食元率將異密屈底波領衆軍兵來此共臣等鬪戰臣等大破賊徒臣等兵士亦大死損為大食兵馬極多臣等力不敵也臣入城自固乃被大食圍城以三百拋車傍城三穿大坑欲破臣等城國伏乞天恩知委送多少漢兵來此救助臣苦難其大食只合一百年強盛今年合滿如有漢兵來此臣等必是破得大食今謹獻好馬一波斯駱駝一騷二如天恩慈澤將賜臣物謂付臣下使

人將來冀無侵奪

八年南天竺國王石武衛大將軍尸利那羅僧伽寶多
枝摩為國造寺上表乞寺額勅以歸化為名又上表乞
袍帶曰蕃人無識惟將衣帶為重既不賜及豈知優寵
勅中書門下南天竺王遠遣朝貢其使却還並須周旋
發遣滿望乃以錦袍金帶魚袋七事賜其使遣之

十年三月庚戌波斯國王勃善活遣使獻表乞授一員

漢官許之

十五年吐火羅葉護遣使上言曰奴身罪逆不孝慈父
身被大食統押應徹天聰頌奉天可汗進旨云大食欺
侵我即與你氣力奴身今被大食重稅欺苦實深若不
得天可汗救活奴身自活不得國土必遭破散求防守
天可汗西門不得伏望天可汗慈憫與奴身多少氣力
使得活路又承天可汗處分突厥施可汗云西頭事委
你即須發兵除却大食其事若實望天可汗却垂處分
奴身緣大食稅急不救得好物奉進望天可汗炤之所

欲驅遣奴身及須已西方物並請處分奴身一一頭戴
不敢怠慢

十八年七月癸未命有司寫毛詩禮記左傳文選各一
部賜金城公主從其請也

十九年康國王烏勒上表請封其子吐曷為曹國王默
跋為米國王許之

十九年十一月突厥遣其大臣葛阿默察之來朝獻馬
五十匹謝恩也初突厥苾伽可汗之弟闕特勒死苾伽

來請巧匠寫其真詔遣畫工六人往焉既畫工妙絕倫
突厥國內未之見者必伽每觀畫處嗟歎如弟再生悲
涕不自勝遂遣察之謝恩且送畫人也

二十三年閏十一月日本國遣其臣名代來朝獻表懇
求老子經本及天尊像以歸于國發揚聖教許之

二十六年六月甲子渤海遣使求寫唐禮及三國志晉
書三十六國春秋許之

二十九年拔汗那王阿悉爛達干上表請改國名勅改

為寧遠國

天寶元年五月石國王遣使上表乞授長男那居車鼻
施官詔拜大將軍賜一年俸料

八載吐火羅葉護夫里嘗伽羅遣使來朝獻表曰臣隣
境有一胡號曰竭帥居在深山恃其險阻違背聖化親
輔吐蕃知勃律地狹人稠無多田種鎮軍在彼糧食不
充於箇失密市易鹽米然得支濟商旅來往皆著竭帥
國過其王遂受吐蕃貨求於國內置吐蕃城堡捉勃律

要路自高仙芝開勃律之後更益兵二千人勃律因之
搆帥王與吐蕃乘此虛危將兵擬入臣每憂思一破究
徒若開得大勃律已東直至闐焉耆卧凉瓜肅已來吐
蕃更不敢停住望安西兵馬來載五月到小勃律六月
到大勃律伏乞天恩允臣所奏若不成請斬臣為七段
緣箇失密王向漢忠赤兵馬復多土廣人稠糧食豐足
特望天恩賜箇失密王勅書宣慰賜衣物并寶鈿腰帶
使感荷聖恩更加忠赤帝覽表許之

十二載四月甲戌骨咄國人史難之康丁真表乞度為僧許之

德宗貞元二十年日本國留住學生播免勢學問僧空海至元和元年正月日本國使判官高階真入奏前件學士等藝業稍成願歸本國便請與臣同共歸國從之憲宗元和二年正月庚子回鶻使者請於河南府太原府置摩尼寺三所許之

穆宗長慶四年九月甲子靈武節度使李進誠奏吐蕃

遣使求五臺山圖山在代州多浮圖之跡西戎尚此教
故來求之

敬宗寶歷元年五月庚辰新羅國王金彥昇奏先在太
學生崔利貞金叔貞朴季業四人請放還蕃其新赴朝
貢金允夫金立之朴亮之等一十二人請留在宿衛仍
請配國子監習業鴻臚寺給資糧從之

二年十二月新羅質子金允夫請准舊例中使入蕃使
充副使同到本國譯詔書不許但隨告使充副使

文宗太和七年春正月己亥銀青光祿大夫檢校秘書
監忽汗都督國王大彝震奏遣學士解楚卿趙孝明劉
寶俊三人附謝恩使同中書右平章事高賞英赴上都
學問先遣學生李居正朱承朝高壽海等三人事業稍
成請准例遞乘歸本國許之

武宗會昌元年八月回鶻迫於饑求糧食閏九月丁酉
詔許賑救回鶻米二萬石時帝開延英復召宰臣問之
陳夷行謂李德裕曰此借寇兵而資盜糧耳德裕曰今徵

兵未集天德至危若不救此饑人且令三數月安靜忽
陷却天德公能獨當其咎否夷行遂默然而止及德裕
延英從容論奏帝心乃定

梁太祖建號契丹阿保機遣使送名馬女口貂皮等求
封冊梁祖與之書曰朕今天下皆平惟有太原未服卿
能長驅精甲徑至新莊為我翦彼仇讐與爾便行封冊
後唐莊宗同光二年十一月己丑幽州李存賢奏契丹
林牙求茶藥

明宗天成二年十月幽州奏契丹王差人持書求碑石
欲為其父表其葬所

三年四月幽州奏得契丹書求覓樂器云要蕃中所有
即亦遵副帝曰招懷之道且宜依隨

四年十月吐渾首領薛糞堆進狀乞授嵐州刺史上欲
許之安重誨諫乃止

長興三年二月雲州上言契丹遣使來求果子帝曰契
丹雖闕此物亦非彼實然蓋當面傾謀宜阻其求但報

云遣使入朝當有處分

三月甲午禮賓使梁進德自契丹使回稱契丹王請放前刺舍利還本國

七月幽州奏契丹國差梅老乾捺鋪都到州求果子

晉王廷裔移鎮定州先是契丹欲以王處直之子威為節度使處直則廷裔之叔祖也處直為養子都所篡時威北走蕃廷裔納之至是乃遣使諭高祖云欲使王威襲先人土地如我蕃中之制高祖荅以中國將校自刺

史團練防禦使序遷方授旌節請遣威至此任用漸令
外進乃合中土舊規王威深怒其見拒使人復報曰爾
自諸侯為天子有何階級耶高祖畏其滋蔓則厚賂力
拒其命敵忿稍息遂連升廷裔鎮中山且欲塞其意也

互市

夫王者之牧四夷也有懷柔之道焉有羈縻之義焉蓋
所以底寧邊鄙休息中夏者也則互市之設其懷柔羈
縻之旨與爰自漢初始建斯議繇是擇走集之地行關

市之法通彼貨賄敦其信義歷代遵守斯亦和戎之一術也

漢高祖立趙佗為南粵王使和輯百越

輯與集同

至高后時

有司請禁關市鐵器

佗上書言高后令曰毋予蠻夷外越金鐵田器馬牛羊即予予牝母

與牝

文帝時匈奴和親與通關市

景帝時復與匈奴和親通關市

武帝時明和親約束厚遇關市饒給之匈奴自單于以

下皆親往來長城下匈奴貪尚樂關市者漢財物

音讀曰嗜

亦通關市不絕以中之

以關市中其意中竹仲切

宣帝時北匈奴見南單于來附懼謀其國故數乞和親又遠驅牛馬與漢合市

後漢光武建武中置烏桓校尉於上谷寧城

縣名亦作寧城歲

時互市焉

明帝永平中北單于欲合市遣使求和親帝冀其交通不復為寇乃許之

章帝元和元年武威太守孟雲上言北單于復願與史人合市詔書聽雲遣驛使迎呼慰納之北單于乃遣太且渠伊莫訾王等驅牛馬萬餘頭來與漢賓客交易諸王大人或前至所在郡縣為設官邸賞賜待遇之

安帝永初中鮮卑大人燕荔陽詣闕朝賀鄧太后令止烏丸校尉所居甯城下通胡市

獻帝建安中鮮卑素利彌加厥機因烏丸校尉閻柔上貢獻通市是時梁習為并州刺史鮮卑大人育延嘗為

州所畏而一旦將其部落五千餘騎詣習求互市習念不聽則恐其怨若聽到州下又恐為所畧於是乃許之往與會空城中交市遂勅郡縣自將治中以下軍往就之

魏文帝黃初三年鮮卑軻比能帥落部大人小子代郡烏丸修武盧等三千餘騎驅牛馬七萬餘口交市

北燕馮跋時庫莫奚虞出庫真率三千餘落請交市獻馬千疋許之處之於營丘

梁高祖天監中河南王休運籌遣使貢獻其地與益州
隣常通商賈

後魏宣武時西域東域貢其珍物充於王府又於南垂
立互市以致南貨羽毛齒草之屬無遠不至

隋煬帝時西域諸蕃多至張掖與中國交市帝令吏部
侍郎裴矩掌其事

唐高祖武德八年吐谷渾款承風戍各請互市並許之
玄宗開元二年九月太常少卿姜晦上封請以空名告

身於六胡州市馬率三十匹馬酬一游擊將軍時廐馬尚少深以為然遂命齎告身三百道往市焉

四年奚使乞於西市貨易許之

十五年吐蕃與突厥小殺書將計議同時入寇小殺并獻其書帝嘉其誠引梅錄吸宴於紫宸殿厚加賞賚仍許於朔方軍西受降城為互市之所

肅宗乾元中回鶻仍歲來市以馬一匹易絹四十疋動至數萬馬

代宗大歷八年回鶻遣赤心領馬一萬疋來求市帝以馬價出於租賦不欲重困於民命有司量入計許市六千疋

德宗貞元三年十二月初禁商賈以口馬器械於党項貨易

六年六月回紇使移職伽達干歸蕃賜馬價絹三十萬疋

八年七月給回紇市馬絹七萬疋

憲宗元和十年八月以絹十萬疋償回紇之馬直

十一月吐蕃使款隴州塞請互市許之

十二月以絹九萬七千疋償回紇馬直

十一年二月以內庫繒絹六萬疋償回紇馬直

四月以絹二萬五千疋償回紇馬直

穆宗長慶二年二月以絹五萬疋賜回紇充馬價

四月又賜回紇馬價絹七萬疋

十二月以絹八萬疋償回紇馬直

文宗太和元年三月內出絹二十六萬疋賜回紇充馬價

六月命中使以絹二十萬疋付鴻臚寺宣賜回紇充馬價

五年六月貶右龍武大將軍李甚為宣州別駕甚子貸回紇錢一萬一千四百貫不償為回紇所訴故貶甚因下詔曰如聞頃來京城內衣冠子弟及諸軍使并商人百姓等多有舉諸蕃客本錢歲月稍深徵索不得致蕃

客停滯市易不獲及時方務撫安須除舊弊免令受屈
要與改更自今以後應諸色人宜除准勅互市外並不
得輒與蕃客錢物交關委御史臺及京兆府切加捉搦
仍即作條件聞奏其今日已前所欠負委府縣速與徵
理處分

開成元年六月淄青節度使奏新羅渤海將到熟銅請
不禁斷是月京兆府奏准建中元年十月六日勅諸錦
罽綾羅縠繡織成細細絲布羗牛尾真珠銀銅鐵奴婢

等並不得與諸蕃互市又准令式中國人不合私與外國人交通買賣婚娶來往又舉取蕃客錢以產業奴婢為質者重請禁之

後唐莊宗同光三年八月青州市到黑水蕃馬三十疋明宗天成二年八月新州奏得契丹書乞置互市翼日付中書宣示百官

四年四月勅沿邊置場買馬不許蕃部直至闕下帝自臨馭欲來遠人党項之眾競赴都下賞賜酒食於禁庭

醉則連袂歌土風以出凡將到馬無駑良並云上進國
家雖約其價以給之并計其館穀錫賚每歲不下五六
十萬貫侍臣以為耗蠹中華無出於此因止之

是年散騎常侍

蕭布甫條奏諸蕃貢馬稍多酬賞價倍戎夷無厭
競思興販請却於邊上置互市只許首領入貢

長興二年五月青州奏黑水瓦兒部至登州賣馬

三年七月飛龍使奏回紇所賣馬瘦弱不堪估價帝曰
遠夷交市不可輕阻可以中等估之

愍帝應順元年正月雲州張溫言契丹在州境互市閏

正月雲州上言契丹至州界市易

二月雲州上言韃靼胡祿末族帳到州界市易

末帝清泰元年七月登州言高麗船一艘至岸管押將
盧昕而下七十人入州市易是月雲州言契丹首領述
律梅里求互市從之

十月青州言高麗遣人市易

二年北面總管言契丹遣人欲為互市其吐渾部族歸
舊地從之

是年雲州言總管報於州西北野固口與契丹互市從之

十二月雲州沙彥珣奏十年前與契丹互市則例

三年雲州言契丹石祿牧部族近城市易

晉少帝天福八年西京奏契丹遣前青白軍使王從益

到京出餘貨斛斗宜破省錢收糴

是時馮暉移鎮靈武河西羊馬所產易為

交易每年得馬五千疋而蕃部歸心朝議患之

周太祖廣順元年二月命回紇來者一聽私便交易官

不禁詰先是回紇間歲入貢每行李至關禁民不得於蕃人處市易寶貨犯者有刑太祖以為不可至是聽之繇是玉之價直十損七八矣

十月涇州言招到蕃部野龍十九族有馬赴市私貨賣

冊府元龜卷九百九十九

欽定四庫全書

冊府元龜卷一千

宋 王欽若等 撰

外臣部

彊盛

讐怨

亡滅

彊盛

夫中邦任土猶申畫於要荒絕域殊風固靡通於正朔
是故鬃首雕題之客常韝卉服之民舞干之君不加之
以文教統弧之后不董之以武威故能蕃育窮陬延祚

長世垂時射利侵侮外陞安忍阻兵吞噬同類雖蛇豕
薦食以凶器為令圖然夷狄有君固先儒之深恥也

西羌無弋曾孫忍當秦獻公初立欲復繆公之迹兵臨

涓首滅狄獠

獠音丸

戎忍季父印畏秦之威將其眾種附

落而南出賜支河曲自後忍及弟舞獨留湟中並多娶
妻婦忍生九子為九種舞生十七子為十七種羌之興
盛從此起矣及忍子研立時秦孝公雄強威服羌戎孝
公使太子駟率戎狄九十二國朝周顯王研至豪健故

羌中號其後研種及秦始皇時務并六國以諸侯為事
兵不西行故種人得以蕃息

漢匈奴冒頓單于襲滅東胡王虜其民衆畜產既歸西

擊走月氏南并樓煩白羊河南王

二王之居
在河南

悉復收秦

所使蒙恬所奪匈奴地者與漢關故河南塞至朝那膚

施

朝那屬安定
膚施屬上郡

遂侵燕代是時漢方與項羽相距中國

罷於兵革

罷讀
曰疲

以故冒頓得自彊控弦之士三十餘萬

控引控弦
言能引弓

自淳維以至頭曼千有餘歲時大時小別散

分離尚矣

尚久遠

其世傳不可得而次然至冒頓而匈奴

最彊大盡服從北夷而南與諸夏為敵國後北復渾窳

屈射丁零隔昆龍新葦之國

五小國也渾音胡昆切窳音弋主切葦音犁

於

是匈奴貴人大臣皆服以冒頓為賢是時漢初定徙韓

王信於代郡馬邑匈奴大攻圍馬邑韓王信降匈奴匈

奴得信因引兵南踰句注攻太原至晉陽下高帝自將

兵往擊之高帝至平城冒頓縱精兵三十餘萬圍高帝

於白登七日

匈奴烏維單于子詹武帝元封六年立年少號兒單于
蓋西北左方兵直雲中右方兵直酒泉墩煌

朝鮮王衛滿初聚亡命千餘人東走出塞渡淇水屬真
番朝鮮蠻夷會孝惠高后天下初定遼東太守即約滿
為外臣保塞外蠻夷毋使盜邊蠻夷君長欲入見天子
勿得禁止以聞帝許之以故滿得以兵威財物侵降其
旁小邑真番臨屯皆來服屬方數千里

安息國王治番兜

番音
盤

其屬大小數百城地方數千里

最大國也武帝始遣至安息王令將二萬騎迎於東界

東界去王都數千里行比至過數十城人民相屬

屬聯也音

之欲切

烏孫國大昆彌國多馬富人至四五千疋最為疆國故

服匈奴

故謂舊時也服屬於匈奴也

後盛大取羈屬不肯往朝會

言纒

羈康屬之而已

大月氏國治藍氏城控弦十餘萬故疆輕匈奴及為匈

奴所滅遂分為五部翎侯

翎即翁字

後百餘歲貴霜翎侯邱

就郤攻滅四翎侯自立為王國號貴霜王侵安息取高
附地又滅濮達罽賓悉有其國邱就郤年八十餘死子
閻膏珍代為王復滅天竺置將一人監領之月氏自此
之後最為富盛諸國稱之皆曰貴霜王漢本其故號言
大月氏云

莎車國王治莎車城及宣成王康死弟賢代立詐稱大
都護移書諸國諸國悉服屬焉號賢為單于賢浸以驕
橫重求賦稅數攻龜茲諸國諸國愁懼

後漢武陵蠻夷光武中興之際最為盛

燒當羌滇吾附落中元中轉盛常雄諸羌每欲侵邊者
滇吾轉教以方畧為其渠帥

于闐王明帝永平中始盛從精絕至疏勒十三國皆服
從而鄯善王亦始彊盛自是南道自葱嶺以東唯此二
國為大

先零別種滇零與諸種安帝永初元年大為寇掠遣車
騎將軍鄧騭征西校尉任尚擊之騭尚軍大敗於是滇

零等自稱天子於北地招集武都叅狼上郡西河諸種
衆遂大盛東犯趙魏南入益州殺漢中太守董炳遂寇
鈔三輔斷隴道湟中諸縣粟石萬錢百姓死亡不可勝
數朝廷不能制

鮮卑者東胡之支也自和帝永元中大將軍竇憲遣右
校尉耿夔擊破匈奴單于逃走鮮卑因此轉徙據其地
匈奴餘種留者尚有十餘萬部落皆自號鮮卑鮮卑繇
此漸盛安帝末鮮卑其至鞬遂盛控弦數萬騎數道入

塞趨五原寧朔攻匈奴南單于殺左與鞬日逐至延光
中鮮卑既累殺郡守膽意轉盛控弦數萬騎桓帝時鮮
卑檀石槐者年十四五勇健多智畧異部大人抄取其
外家牛羊檀石槐單騎追擊之所向無前悉還得所亡
者繇是部落畏服乃施法禁平曲直無敢犯者遂推為
大人檀石槐乃立庭於彈汗山歟仇水上歟音昌
悅切去高
柳北三百餘里兵馬甚盛東西部大人皆歸焉因南抄
緣邊北拒丁零東敗扶餘西擊烏孫盡據匈奴故地東

西四千餘里網羅山川水澤鹽池延熹中鮮卑自分其地為三部從右北平以東至遼東接扶餘濊貊二十餘邑為東部從右北平以西至上谷十餘邑為中部從上谷以西至燉煌烏孫二十餘邑為西部各置大人主領之皆屬檀石槐靈帝光和初鮮卑種衆日多田畜射獵不足給食檀石槐乃自循行見烏集鳳水廣數百里水停不流其中有魚不能得之間倭人善網捕於是東擊倭人國得千餘家徙置秦水上令捕魚以助糧食

南匈奴和帝永元三年中尅獲納降黨衆最盛領戶三萬四千口二十三萬七千三百勝兵五萬一百七十

烏桓大人本東胡也靈帝初上谷有難樓者衆九千餘落遼西丘力居者衆五千餘落皆自稱王又遼東蘇僕

延衆千餘落自稱峭王

峭音七
笑切

獻帝建安中烏丸鮮卑稍更彊盛亦因漢末之亂中國多事不遑外討故得擅漠南之地寇暴城邑殺掠人民北邊仍受其困會袁紹兼河北乃撫有三郡烏丸寵其

名王而收其精騎其後尚熙又逃于蹋頓蹋頓又驍武
邊長老皆比之冒頓恃其阻遠敢受亡命以雄百蠻
右北平烏延衆八百餘落自稱汗魯王並勇健而多計

策

韓濊北與高句驪沃沮南與辰韓接本皆朝鮮之地也
靈帝末並盛郡縣不能制百姓苦亂多流亡入韓者

扶餘本屬元菟漢末公孫度雄長海東威服外夷扶餘
王尉仇台更屬遼東時句驪鮮卑彊度以扶餘在二虜

之間妻以宗女

魏鮮卑軻比能黃初中衆彊盛控弦十餘萬騎每鈔畧得財物均平分付一決目前終無所私故得衆死力餘部大人皆敬憚之

晉林邑國王范逸死奴文篡位於是乃攻大岐界小岐界式僕徐狼屈都乾魯扶單等諸國并之有衆四五萬人遣使通表入貢于武帝其書皆胡字至穆帝永和三年文率其衆攻陷日南害太守夏侯覽殺五六千人餘

奔九真以覽尸祭天鏹平西卷縣城遂據日南告交州
刺史朱蕃求以日南北鄙橫山為界初徼外諸國賞齎
寶物自海路求貿貨賄而交州刺史日南太守多貪利
侵侮十折二三至刺史姜莊時使韓戢領日南太守戢
估較大半又伐船調枹聲云征伐繇是諸國悉憤且林
邑少田貪日南之地戢死繼以謝擢侵刻如初及覽至
郡又耽荒于酒政教愈亂故被破滅既而又還林邑是
歲朱蕃使督護劉雄戍于日南又復攻陷之四年文又

襲九真害士庶十八九年征西督護滕暖率交廣之
兵伐文於盧容為文所敗

焉者國王會滅白山遂據其國武帝太康中遣子熙歸
本國為王會有膽氣籌畧遂霸西胡葱嶺以東莫不率
服

索虜猗孫十翼鞭勇壯衆復附之號上碓公北有沙漠
南據陰山衆數十萬

宋荆蠻民順附者一户輸穀斛其餘無雜調而宋民賦

後嚴苦貧者不復堪命多逃亡入蠻蠻無輕役彊者又不供官稅結黨連群動有數百人州郡力弱則起為盜賊種類稍多戶口不可知也所在多深險居武陵者有雄溪楠溪辰溪酉溪謂之五溪而宜都天門巴東建平江北諸郡蠻所居皆深山重阻人跡罕至焉前世以來屢為民患及至宋世或降或叛征討不絕時巴東建平宜都天門四郡蠻為寇諸郡民戶流散十不存一明帝順帝世尤甚雖遣攻伐終不能禁荊州為之虛弊

南齊東夷高麗王樂浪公高璉高祖建元三年遣使貢
獻乘舶泛海嘗亦遣使于魏然疆盛不受制魏置諸國
使邸齊使第一高麗次之

梁滑國車師之別種也元魏之居桑乾也滑猶為小國
屬芮芮後稍彊大征其旁國波斯盤盤罽賓焉耆龜茲
疎勒姑黑于闐句盤等國開地千餘里

後魏芮芮國蓋匈奴別種自孝武南遷因擅其故地宋
昇明中遣王洪軌使焉引之共伐魏齊建元元年洪軌

奔九真以覽尸祭天鏹平西卷縣城遂據日南告交州
刺史朱蕃求以日南北鄙橫山為界初徼外諸國賞齎
寶物自海路求貿貨賄而交州刺史日南太守多貪利
侵侮十折二三至刺史姜莊時使韓戢領日南太守戢
估較大半又伐船調枹聲云征伐繇是諸國悉憤且林
邑少田貪日南之地戢死繼以謝擢侵刻如初及覽至
郡又耽荒于酒政教愈亂故被破滅既而又還林邑是
歲朱蕃使督護劉雄戍于日南又復攻陷之四年文又

襲九真害士庶十八九年征西督護滕暖率交廣之
兵伐文於盧容為文所敗

焉者國王會滅白山遂據其國武帝太康中遣子熙歸
本國為王會有膽氣籌畧遂霸西胡葱嶺以東莫不率
服

索虜猗孫十翼鞭勇壯衆復附之號上碓公北有沙漠
南據陰山衆數十萬

宋荆蠻民順附者一户輸穀斛其餘無雜調而宋民賦

後嚴苦貧者不復堪命多逃亡入蠻蠻無輕役彊者又不供官稅結黨連群動有數百人州郡力弱則起為盜賊種類稍多戶口不可知也所在多深險居武陵者有雄溪楠溪辰溪酉溪謂之五溪而宜都天門巴東建平江北諸郡蠻所居皆深山重阻人跡罕至焉前世以來屢為民患及至宋世或降或叛征討不絕時巴東建平宜都天門四郡蠻為寇諸郡民戶流散十不存一明帝順帝世尤甚雖遣攻伐終不能禁荊州為之虛弊

南齊東夷高麗王樂浪公高璉高祖建元三年遣使貢
獻乘舶泛海嘗亦遣使于魏然疆盛不受制魏置諸國
使邸齊使第一高麗次之

梁滑國車師之別種也元魏之居桑乾也滑猶為小國
屬芮芮後稍彊大征其旁國波斯盤盤罽賓焉耆龜茲
疎勒姑黑于闐句盤等國開地千餘里

後魏芮芮國蓋匈奴別種自孝武南遷因擅其故地宋
昇明中遣王洪軌使焉引之共伐魏齊建元元年洪軌

可汗西突厥也葉護立遂北并鐵勒西拒波斯南接罽
賓悉歸之控弦數十萬霸有西域舊據烏孫之地又移
庭於石國北千里其西域諸國王悉受頡利調發并遣
土屯一人監統之督其征賦西戎之盛未之有也

竇王姓不夜氏名噐宗弄讚驍勇有謀隣國羊同之屬
莫不賓伏之遂雄西域

大食國以高宗龍朔中擊破波斯又破拂菻又南侵波
羅門吞并諸國勝兵四十餘萬

突厥車鼻可汗其地去京師尚萬里勝兵三萬人自稱
乙注鼻可汗西有歌邏祿北有結骨皆附隸之

乙毗沙鉢羅西突厥也自龜茲鄯善且末吐火羅焉耆
石國史國何國穆國康國皆受其節度累遣使朝貢太宗
降璽書慰勉之

黑水靺鞨最處北方尤稱勁健每恃其勇常為隣境之
患

後唐耶律阿保機者契丹別部尊長也先是契丹王欽

德政衰阿保機最推雄勁族帳漸盛代欽德為主先是契丹之先大賀氏有勝兵四萬分為八部每部皆號大人內推一人為主建旗鼓以尊之每二年第其名以代之及保機為主乃怙彊恃勇不受諸侯之代遂自稱國王及幽州劉守光末年苛慘軍士亡叛皆入契丹洎周德威攻圍幽州燕之軍民多為其寇所掠既盡得燕中人士教之文法繇是漸盛與太祖會盟於雲州結為兄弟其後阿保機僭稱帝號以妻述律氏為皇后用燕人

韓延徽為宰相法令嚴明諸侯畏服與太祖抗衡通朝
貢於梁祖

讐怨

傳曰九世猶可以復讐乎百世可也故有不反兵不共
國之怨斯亦勇夫節士之所為矣若乃異域之人天性
忿鷙負兵怙眾結怨流隙乃有投身於窮荒依援於大
國或竊發於好會或爭鋒於武力雖近乎義亦不足尚
故周禮調人之設豈能諧和者哉

漢烏孫王號昆莫父難兜靡本與大月氏俱在祁連燉

煌間小國也

祁連山以東燉煌以西

大月氏攻殺難兜靡奪其地

人民亡走匈奴子昆莫新生傳父布就翎侯抱亡置莫

中

翎侯烏孫大臣號其署非一猶漢之將軍耳而布就者又翎侯之中別號猶右將軍左將軍耳非其人之

字翎與翁同

為求食還見狼乳之

以乳飲之

又烏銜肉翔其旁以

為神遂持歸匈奴單于愛養之及壯以其父民衆與昆

莫使將兵數有功時且氏以為匈奴所破西擊塞王

塞音

先得切西域國名即佛經所謂釋種者塞釋聲相近本一姓耳塞王南走遠從月氏居

其地昆莫既健自請單于報父怨遂西攻破大月氏大月氏復西走徙大夏地昆莫畧其衆因留居兵稍強會單于死不肯復朝事匈奴遣兵擊之不勝益以為神而

遠之

又云張騫建元中為郎匈奴降者言匈奴破月氏王以其頭為飲器月氏適而怨匈奴無與共擊之

漢方欲事滅胡聞此言欲通使騫以郎應募

扞彌國初貳師將軍李廣利擊大宛還過扞彌扞彌遣太子賴丹為質於龜茲廣利責龜茲曰外國皆臣屬於漢龜茲何以得受扞彌質即將賴丹入至京師昭帝乃

用桑弘羊前議以扞彌太子賴丹為校尉將軍田輪臺
與渠犂地皆相連也龜茲貴人姑翼其王曰賴丹本臣
屬吾國今佩漢印綬來迫吾國而田必為害王即殺賴
丹而上書謝漢漢未能征

魏鮮卑漢末步度根既立衆稍衰弱中兄扶羅韓亦別
擁衆萬人為大人後代郡烏丸能臣氏等叛求屬扶羅
韓扶羅韓將萬餘騎迎之到桑乾氏等議以為扶羅韓
部威禁寬緩恐不見濟更遣人呼軻比能比能即將萬

餘騎到當共盟誓比能便於會上殺扶羅韓扶羅韓子
泄歸泥及部衆悉屬比能比能自以殺歸泥父特善遇
之步度根繇是怨比能魏後數與比能更相攻擊步度
根部衆稍寡弱將其衆萬餘落保太原鴈門郡步度根
乃使人招呼泄歸泥曰汝父為比能所殺不念報仇反
屬怨家今雖厚待汝是欲殺汝計也不如還我我與汝
骨肉至親豈與他等繇是歸泥將其部落逃歸步度根
比能追之弗及青龍元年比能誘步度根深結和親於

是少度根撫泄歸泥及部衆悉保比能寇抄并州殺掠
吏民明帝遣驍騎將軍秦朗征之歸泥叛比能將其部
衆降拜歸義王賜幢麾曲蓋鼓吹居并州如故步度根
為比能所殺

晉焉耆國王龍安夫人獯胡之女姓身十二月剖脅生
子曰會立之為世子會少而勇傑安病篤謂會曰我嘗
為龜茲王白山所辱不忘於心汝能雪之乃吾子也及
會立襲滅白山遂據其國

扶南國子孫相傳至王槃况死國人立其大將范師蔓
蔓病姊子旃慕立殺蔓子金生十餘年蔓少子長襲殺
旃以及饒旃腹曰汝昔殺我兄今為父兄報汝旃大將
范尋又殺長國人立以為王是吳晉時也

宋葉延父吐延為昂城羌酋姜聰所刺葉延小而勇果
年十歲縛草為人號曰姜聰每旦輒射之中則喜不中
則號叫涕泣其母曰讐賊諸將已屠膾之汝年小何煩
自苦如此葉延嗚咽不自勝荅母曰誠知無益然葉延

罔極之心不勝其痛耳性至孝母病五日不食

唐新羅百濟武德九年遣使訟高麗王建武闕其道路
不得入朝又相與有隙屢相侵掠詔員外散騎侍郎朱
子奢往和解之建武奉表謝罪請與新羅對使會盟

西突厥統葉可汗自負彊盛無恩於國部衆咸怨歌邏
祿種多叛之頡利可汗不欲中國與之和親貞觀中數
遣兵入寇又遣人謂統葉護曰汝若迎唐家公主要須
經我國中而過統葉護患之

阿史那社爾突厥處羅可汗子也武德九年延陀回紇等諸部皆叛攻破欲谷設社爾擊之復為延陀所敗貞觀二年遂率其餘衆保于西偏依可汗浮圖后遇頡利滅而西蕃葉護又死奚利邲咄陸可汗兄弟爭國社爾陽言降之引兵西上因襲破西蕃半有其國得衆十餘萬自稱都布可汗謂其諸部曰首為背叛破我國者延陀之罪也今我據有西方大得兵馬不平延陀而敢安樂是忘先可汗為不孝也若天令不捷死亦無恨其酋

長咸諫曰今新得西方須留鎮壓若即棄去遠擊延陀
只恐葉護子孫必來復國社爾不從親率五萬餘騎討
延陀於磧北連兵百餘日遇我行人劉善因立同城設
為啞利始可汗社爾部兵又苦久役多委之逃延陀因
縱擊敗之復保高昌國其舊兵在者纔萬餘人又與西
蕃結隙

高昌國貞觀中太宗遣折衝都尉直中書譯語揖怛然
紇使西域焉耆王突騎支因遣使朝貢請開大磧路以

便行李太宗許之自隋季離亂磧路遂閉西域朝貢者
皆繇高昌因是高昌怒遂與焉耆結怨遣兵襲擊焉耆
大掠而去

渤海國王武藝本高麗之別種也其父祚營東保桂婁
之地自立為振國王以武藝為桂婁郡王開元十四年
黑水靺鞨遣使來朝武藝謂其屬曰黑水途經我境始
可歸唐今不言而行必與大唐通謀腹背攻我也遂遣
母弟大門藝發兵以擊黑水門藝以充質子至京師不

欲構怨乃曰黑水歸唐而擊之是背唐也唐國人衆兵強萬倍於我一朝結怨但恐自取滅亡昔高麗全盛之時兵三十餘萬抗敵唐家不事賓伏唐兵一臨掃盪俱盡今日渤海之衆數倍小於高麗乃欲違背唐家事必不可武藝不從固遣之門藝又上書諫武藝怒遣其從兄大一夏代門藝統兵命左右殺門藝門藝聞之遂間道來奔詔授左驍衛將軍後武藝遣使朝貢上表極言門藝罪狀請殺之元宗遣使往安撫報武藝曰門藝來

歸授義不可殺今流向嶺南已遣去訖乃留其使馬文軌別遣使報之俄有泄其事者武藝又上書曰大國示人以信豈有欺誑之理今聞門藝不向嶺南伏請殺之繇是責鴻臚少卿李道邃源復以不能督察官屬致有漏泄出道邃曹州刺史復為澤州刺史遣門藝覲往嶺南以信之二十年武藝率海賊攻登州殺刺史韋俊詔門藝往幽州徵兵以討之仍令新羅發十萬人應接屬山阻寒雪竟無功而還武藝懷怨不已密遣使至東都

厚賂刺客遮門藝於天津橋格之不死詔河南府捕獲其賊盡殺之

後唐契丹東丹王贊華明宗時歸朝清泰帝幸懷州遣內班秦繼旻皇城使李彥紳害之東丹長子兀欲晉開運末從虜主耶律德光入汴虜主遂殺繼旻彥紳於東市復東丹之讐也命兀欲弟留桂為滑州節度使以處東丹之舊地

亡滅

先王之馭要荒歲貢終王不勤遠畧其或示之德義而不伏威以文告而不庭我伐用張元戎具舉然且高宗伐鬼方三年乃克周宣逐獫狁僅至太原蓋其難矣其能掃穴犁庭窮荒底定亦不世出之會也若乃俘執其長遷徙其衆俾全舊部者蓋亦有焉

鄭瞞

鄭瞞秋國名防風之後漆姓

魯文公十一年侵齊遂伐我公卜

使叔孫得臣追之吉侯叔夏御莊叔

莊叔得臣

縣房甥為右

富父終甥駟乘

駟乘四共車人

敗狄於鹹獲長狄僑如

僑如鄭國之

君蓋長三丈獲僑如不書賤夷狄也富父終甥搯其喉以戈殺之搯猶埋

其首於子駒之門

子駒魯郭門骨節非常恐後世怪之故詳其處

以命宣伯

得臣

待事而名其三子因名宣伯曰僑如以旌其功

初宋武公之世鄭瞞伐宋

在春秋前

司徒皇父帥師禦之彫班御皇父充石

皇父戴公子充石皇父名公

子穀甥為右司寇牛父駟乘以敗狄于長邱

長邱地獲長

狄緣斯

緣斯僑如之先

皇父之二子死焉

皇父與穀甥及牛父皆死故彫班獨受賞

宋公於是以門賞彫班使食其征

門闕門謂之彫門晉

之滅潞也

在宣十五年

獲僑如之弟焚如齊襄公之二年

魯桓

之十
六年鄭瞞伐齊齊王子成父獲其弟榮如榮如焚如之弟焚如後死

而先說者欲其兄榮伯季相次榮如以魯桓十六年死至宣十五年一百三歲其兄猶在傳言既長且壽有異

於人王子成父齊大夫埋其首於周首之北門周首齊邑濟北穀城縣東北有周首

亭衛人獲其季弟簡如伐齊退走至衛見獲鄭瞞繇是遂亡長狄之種

絕

潞赤狄也魯宣公十五年六月晉荀林父敗之於曲梁

滅潞以潞子嬰兒歸

仇猶夷狄之國趙智伯將伐遺之廣車智伯欲伐仇猶遺之大鐘載以

廣車廣車
橫陣之車
因隨之以兵仇猶遂亡

秦戎王義渠昭王四十三年宣太后誘殺於甘泉宮因起兵滅之置其地為隴西北地上郡焉

漢南粵王興立與其母太后求內屬其丞相呂嘉反攻殺王太后盡殺漢使者元鼎五年秋以衛尉路博德為伏波將軍出桂陽下湟水主爵都尉楊僕為樓船將軍出豫章下橫浦故歸義粵侯二人為戈船下瀨將軍出零陵或下離水或抵蒼梧使馳義侯因巴蜀罪人發夜

郎兵下牂牁江咸會番禺六年誅呂嘉南粵遂平以其地為儋耳珠崖南海蒼梧鬱林合浦交趾九真日南九郡尉佗王凡五世九十三歲而亡

東粵王餘善立時南粵反餘善持兩端陰使南粵反漢破番禺樓船將軍楊僕上書請引兵擊東粵帝以士卒勞倦不許明年餘善聞樓船請誅之漢兵留境且往乃發兵距漢帝遣橫海將軍韓說出句章浮海從東方往樓船將軍僕出武林中尉王溫舒出梅嶺粵侯王為戈船下瀨將軍

出如邪白沙元封元年冬咸入東粵故粵建成侯敖與繇
王居股謀殺餘善以其衆降天子曰東粵地陜多阻閩粵
悍數反覆詔軍吏將其民徙處江淮之間東粵地遂虛

朝鮮者其王滿燕人也傳子至孫右渠漢遣左將軍擊
朝鮮元封三年其相尼溪相參乃使人殺其王右渠來
降而王險城未下故右渠之大臣咸已又反復改吏左
將軍使右渠子長降相路人子最告諭其民誅咸已遂
定朝鮮為真番臨屯樂浪元菟四郡

後漢燒當羌和帝永元十四年脅諸羌數百人反叛郡兵擊滅之悉沒入弱口為奴婢

當煎羌順帝永康元年寇武威破羌將軍段紀明復破滅之餘悉降散

旄牛夷安帝延光二年春叛攻零關

零關道屬越嵩

殺長吏益

州刺史張喬與西部都尉擊破之於是分置蜀郡屬國都尉領四縣如太守

魏烏桓王蹋頓漢建安十一年太祖自征蹋頓於柳城

潛軍詭道未至百餘里虜乃覺蹋頓將衆逆戰太祖擊破之臨陣斬蹋頓死者被野速附九樓班烏延等走遼東遼東悉斬傳首其遺迸皆降烏桓萬餘落悉徙其族居中國

晉龜茲國苻堅時堅遣其將呂光率衆七萬伐之其王白純距境不降光進軍討平之

梁高昌國為河西王沮渠茂虔弟無諱襲破之其王闕奕奔于芮芮無諱據之稱王一世而滅國人又推麴民

為王蓋車師之故地也

後魏氏楊難當太武時自號仇池公太武討平之後滅其國以為東益州

北齊賈也頭虜紇豆陵伊利神武為東魏天柱大將軍天平元年正月西伐於河西滅之遷其部於河東

後周氏王楊集始魏封為武興王集始死其子紹先遂僭稱大號魏將傅豎眼滅之執紹先歸諸京師以其地為武興鎮

唐突厥可汗武德初內附高祖厚加慰撫拜為吐馬過
拔闕可汗尋為李軌所滅部眾皆散盡歸于西蕃

頡利可汗始以強盛數侵中國其後灾異屢見國人叛
之太宗乘其大亂發五將以候其隙朔州道行軍總管
李靖進屯惡陽嶺夜襲定襄入其郭頡利驚擾因徙牙
帳於磧石胡首康蘇密等遂以隋蕭后及楊正道等來
降頡利計窘使執失思力入朝謝罪請為藩臣舉國內
附太宗遣唐儉安修仁等持節出塞以安撫之雖肯朝

覲謀州青馬肥將踰沙磧靖與其副將張公謹謀曰詔使到彼虜必自寬於是選精騎齎二十日糧垂間掩襲諸將皆曰詔許其降行人在彼柰何攻之靖曰此兵機也督軍疾進掩踰白道遇其斥候千餘帳皆俘以隨軍頡利見使者甚悅不虞官兵至也靖軍掩到縱擊之遂滅其國殺義城公主獲其子疊羅施係虜男女十萬口駝馬數十萬計頡利乘千里馬奔於西偏虛州行軍所擒之以獻諸部悉降

又云李靖貞觀四年二月甲辰李靖於陰山擊頡利可汗大破之滅

其國復定襄常安之地斥土界于大漢露布以聞太宗大悅

高昌麴文泰貞觀十三年太宗謂其使曰高昌數年來朝貢脫畧無藩臣禮國中署置官號准我百僚稱臣於人豈得如此今茲歲首萬國來朝而文泰不至增城深塹預備討伐日者我使人至彼文泰云鷹飛于天雉竄于蒿猫遊于堂鼠安于穴各得其所豈不活耶又西域使欲來者文泰悉拘留之又遣使謂薛延陀云既自為可汗與漢天子敵也何須拜謁其使事人闕禮離間隣

好惡而不誅善者何勸明年當發兵馬以擊爾國是時
薛延陀可汗表請為軍導以擊高昌太宗許之民部尚
書唐儉至延陀與謀進取太宗與其悔過復下璽書示
以禍福徵之入朝文泰稱疾不至太宗乃命吏部尚書
侯君集為交河道大總管率左屯衛大將軍薛萬均及
突厥契苾之衆步騎數萬衆以擊之時公卿近臣皆以
行經沙磧萬里用兵恐難得志又介居絕域縱得之不
可以守競以為諫太宗皆不聽文泰謂所親曰吾往者

朝覲見秦隴之北城邑蕭條非復有隋之比設令伐我
發兵多則糧運不給若發三萬已下吾能制之加以磧
路艱險自然疲頓吾以逸待勞坐收其弊何足為憂也
及聞王師臨磧口惶駭計無所出發病而死其子智盛
嗣立既而君集兵掩至柳谷進趨田地城將軍契苾何
力為前軍與之接戰而退大軍繼至攻拔其城虜男女
七千餘口進逼其都智盛遺君集書曰有罪於天子者
先王也既咎深譴積身已喪亡智盛襲位無幾君其赦

諸君集謂曰若能悔禍當面縛軍門也又命諸軍引衝車炮車以逼之飛石雨下城中大懼智盛窮蹙出城降君集分兵掠地下其三郡五縣二十二城戶八千口三萬七千七百馬四千三百疋其界東西八百里南北五百里先是其國童謠云高昌兵馬如霜雪漢家兵馬如日月日月炤霜雪迴首自消滅文泰使人捕其初唱者不能得初文泰與西突厥欲谷設通和遺其金帛約有急相為表裏及聞君集兵至欲谷設懼而西走不敢救

君集尋遣使告捷太宗大悅宴百僚班賜各有差曲赦
高昌部內從軍兵士以上父子犯死罪以下碁親犯流
以下大功犯徒以下小功總麻犯杖罪悉宥之時太宗
欲以高昌為州縣特進魏徵諫曰陛下初臨天下高昌夫
婦先來朝謁自後數月商胡被其遏絕貢獻加之不禮
大國遂使王誅載加若罪止文泰斯亦可矣未若撫其
人而立其子所謂伐罪弔民威德被於遐外為國之善
者也今若利其土壤以為州縣常須千餘人鎮守數年

一易每往交番死者十有三四遣辦衣資離別親戚十年之後隴右空虛陛下終不得高昌撮穀尺布以助中國所謂散有用而事無用未見其可太宗不從竟以其地置西州又置安西都護府留兵以鎮之初西突厥遣其葉護屯兵於可汗浮圖城與高昌相影響至是懼而來降以其地為庭州於是勒石紀功而旋其智盛君臣及其豪右皆徙中國麴氏有國至智盛凡九世一百三十四年而滅

吐谷渾貞觀已後與吐蕃互相攻遣使請兵救援高宗
皆不許之吐蕃大怒率兵以擊吐谷渾諾曷鉢既不能
禦脫身及宏化公主走投涼州高宗遣右威衛大將軍
薛仁貴等救吐谷渾為吐蕃所敗於是吐谷渾遂為吐
蕃所併諾曷鉢以親信數千帳來內屬詔左武衛大將
軍蘇定方安置大使始徙其部衆于靈州之地置安樂
州以諾曷鉢為刺史欲其安而且樂也其封襲遂絕吐
谷渾自晉永嘉之末始西渡洮水建國於郡羗之故地

至龍朔三年為吐蕃所滅凡三百五十年

高麗王高藏高宗儀鳳中授開府儀同三司遼東州都督封朝鮮王居安東鎮本蕃為主高藏至安東潛與靺鞨相通謀叛事覺召還配流邛州并分徙其人散向河南隴右諸州其貧弱者留在安東城傍聖歷二年又授高藏男德武為安東都督以領本蕃自是高麗舊戶在

安東者漸寡少分授突厥及靺鞨等高氏君長遂絕

又云

高藏加授遼東州都督封朝鮮郡王遣歸遼東以輯高麗餘衆先有編附諸軍高麗悉放還本蕃司農卿扶餘

隆為光祿大夫太常員外郎加授熊津州都督封帶萬
郡主亦令安輯百濟餘衆仍移安東都護府於新城以
統之時百濟本地荒毀持令寄於高麗之境高麗既至
遼東緝城謀叛靺鞨召還流邛州徙其人於河南隴右
其舊地沒於新羅城傍餘衆後漸寡弱散投突厥及靺
鞨扶餘隆竟亦不敢還舊國土地盡沒於靺鞨高氏扶
餘氏君
長遂絕

吐蕃龍朔中與吐谷渾不和遞相表奏各論曲直國家
依違未為與奪吐蕃怨怒遂叛以兵臨吐谷渾告急高
宗令將薛仁貴郭待封等率衆十餘萬伐之軍至大非
川為欽陵等所敗遂滅吐谷渾

欽定四庫全書

冊府元龜卷一千